

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

441. An qius initiari possit sacris Ordinibus titulo pensionis.

---

[urn:nbn:de:hbz:466:1-74494](#)

cum sufficiens, subjungit: Patrimonium vero vel pensionem obtinentes ordinari post hac non possint: adeoque distinctionem facit inter beneficium & pensionem. Castrop. loc. cit. Barbos. loc. cit. n. 10, quamvis is subjungat, ad hoc responderi posse; Concilium facere hanc specialem prohibitionem non ob id, quod pensione dici non possit saltem latè beneficium Ecclesiasticum, sed ne nimis cresceret ordinandorum numerus. Item hoc ipsum ex eo videri probari, sit Barbos. loc. cit. n. 11, quod pensionarius ratione pensionis etiam clericalis & in titulum datæ, non tenetur divinum officium (quod magnum dicitur, & ad quod alias omnes beneficiari tenentur) recitare, sed tantum ad officium B. Virginis. Petitur secundò ratio ex ipsa natura beneficii seu rei; siquidem pensio hæc non est jus spirituale perpetuum percipiendi fructus ob ministerium spirituale: tum quia pensionari vitæ finitur & extinguitur velut ususfructus; neque in ea datur successio, secùs ac in beneficio, quod morte beneficiari non extinguitur, sed vacat, ut per alios deinceps possideri queat: tum quia juris pensionis spiritualitas (gratis dato, quod aliqua ei insit) & beneficij est diversa, quia beneficium semper fundatur in spirituali officio & ministerio; at spiritualitas pensionis non in officio, sed in persona tantum qualitate (intellige clericali) fundatur; non enim pensio concessa in titulum datur propter officium spirituale, tametsi illius obligatio (nempe recitandi officium B. Virginis) detur ex lege, sed datur in subsidium vita. Ita Castrop. loc. cit. n. 4. Maximam quoque distinctionem pensionis à beneficio ex utriusque causis tam intrinsecis, quam extrinsecis ostendit Lott. l. 1. q. 37. & n. 14, nam causa efficiens beneficij non tantum est Papa, sed & Episcopus, & quicunque habens Episcopalem jurisdictionem; pensionis vero solus Papa. Lott. cit. n. 14. Causa finalis beneficij est retributio pro officio divino, quo fungitur beneficiatus; pensionis vero alimentorum suppeditatio, quamvis ea nonnunquam non sit simplex, sed respectiva ad gradum & dignitatem personæ pensionarii tenendum & conservandum. Lott. loc. cit. n. 15. Causa materialis beneficij sunt fundi & reditus Ecclesiastici, corùmque administratio; pensionis vero certa quantitas pecunie ab illis separata. Lott. n. 16. Causa formalis beneficij est redditio profanæ materiae ad spiritualitatem; pensionis vero est auctoritas Papæ & consensus titularis. Lott. n. 17. & 18. Unde concludit afferens, pensionem multas præterea differentias extrinsecas, seu desumptas ab effectibus diversis, quos inducit beneficium præ pensione, passim congerunt AA. de quibus in sequentibus.

5. Neque in contrarium facit primò textus cit. c. ad audientiam, ubi dicitur: recipientes ab iis annuis pensiones seu alia beneficia &c. terminus autem five pronomen alius in jure similia denotat, seu repetit, ut videre est apud Castrop. loc. cit. n. 3. nam tametsi dictus terminus in LL. sape similia repeatat, non tamen semper similitudinem continet, aut eandem qualitatem ampliat; præsertim cum ex subiecta materia aliquid absurdum inde sequeretur, ut constat ex illo Matth. 28. & Marc. 15. Crucifixi sunt cum eo (nempe Christo) & aliis duο latrōnes. AZOR loc. cit. q. 2. Castrop. loc. cit. n. 5. citans Gl. in c. sedes. verb. majores, de rescrip. & ibi Imol. n. 11. Felin. n. 8. & Sanch. de matrim. l. 3. d. 20. n. 8. Neque facit secundò, quod pensione subrogetur in le-

cum beneficij; subrogatum autem in locuta alterius, ejus vim & naturam sortiatur. Nam id non est simpliciter verum, præcipue, cum ex ipso jure constar aperte, subrogatum esse alterius naturæ, quemadmodum hujus in praesente materia manifestum est exemplum in patrimonio, quod in ordine ad suscipiendo ordines loco beneficij subrogatur, cum tamen nullatenus sit beneficium. Azor, Castrop. ll. cit.

*Questio 441. An quis initiari possit sacris ordinibus titulo pensionis?*

R Espondeo: Posse aliquem jure communi pro moveri titulo pensionis ad sacros ordines, modo ea ad commodam vitæ sustentationem sufficiat. AZOR p. 2. l. 3. c. 5. q. 3. argumento c. tuis. & c. Episcopus. de prob. ubi dicitur, posse aliquem titulo patrimonii ordinari. Limitanda tamen responsio juxta decretum Trident. sess. 21. c. 2. ubi dicitur: pensionem obtinentes ordinari post hac non possint, nisi illi, quos Episcopus judicaverit assumendos, pro necessitate vel coniunctivitate Ecclesiarum. Proinde hoc jure novo nemo titule pensionis ad ordines admittendus, nisi id suadeat necessitas vel utilitas Ecclesia, prout judicaverit Episcopus. GONZ. ad reg. 8. cancell. gl. 5. §. 5. n. 4. Barb. juris Eccl. l. 3. c. 11. n. 10. VENTRIGL. 10. 2. annot. 11. §. 2. n. 82. Idque etiam de cetero (intellige præscindendo ab emolumento, quod inde Ecclesiæ sperari possit) talis pensionarius idoneis moribus, scientiâ, artate instrutus esset, ut colligatur ex antecedentibus Concilii verbis, quibus constituitur, nullum promovendum ad ordines, etiam si idoneus moribus, scientiâ, artate, nisi prius constiterit, habere illum beneficium sufficiens Ecclesiasticum. Barbos. GONZ. ll. cit. qui & exinde notant, pensionem non esse verum beneficium Ecclesiasticum. Idem ramen esset etiam de pensione, nempe quod, sicut quis promoveri potest ad titulum beneficij absque ultra necessitate, vel utilitate Ecclesia, ita etiam ad titulum pensionis, dura datur pensio in titulum perpetuum beneficij Ecclesiastici, quia tunc res ipsa esset beneficium. VENTRIGL. loc. cit. citans Gig. cons. 33. & de pens. q. 94.

*Questio 442. An obtinens pensionem gaudeat privilegio fori?*

1. R Espondeo primò: Quamvis pensionarius, modò si clericus, gaudeat privilegio canonis, hoc est, ut percutiens illum incidat in excommunicationem, hoc enim gaudet quis eo ipso, quod clericus fit, et si pensionem non habeat, etiam si nec habitum, nec tonsuram clericalem defterat, licet ob istam non delationem habitus & tonsura privetur privilegio fori juxta declarationem Cardinal. S. Congreg. Concil. Gonz. ad reg. 8. gl. 5. §. 5. n. 7. & seq. Non tamen exinde præcisè, quod pensionem quis habeat, gaudet privilegio canonis aut fori, etiam si in habitu & tonsura clericali incedit, si vero clericus non est, adeoque nec pensionem in titulum spirituale obtineat, patebit ex mox subjadiendis.

2. R Espondeo secundò: Sed neque (etiam dum clericus est, & habitum clericalem defterat) si pensionem non obtineat in titulum spirituale, seu loco beneficij, gaudet privilegio fori. GONZ. loc. cit. n. 6. Barbos. juris Eccl. l. 3. c. 11. n. 17. pro hac parte negativa citans plures, & pro parte op-

posita